



BELIEVERS EASTERN CHURCH

World Church Headquarters, St, Thomas Community

Thiruvalla- 689 103, Kerala, India

Mes Nirikgipaoni Chitti

May- June 2026

Angni ka-sara A-gilsak a-kitikbrioni, pilak mes jakrangko nirikgiparang aro pilak mondolio kim-kim ong-e bebe-giparang.

Jotatgipa Jisu Kristooni na-simangna ka-saani, ka-sachakani aro tom-tomani sakantina ong-china!

Kristo Chakatpilaha!

An-chingni mondolini liturgical calendar gita an-ching Gitel Jisu Kristoni chakatpilani ka-rion ong-kuenga, beben an-chinni agilsakni samtangtango tomtomgijarang aro ka-donggijarangko cha-gronggenchimoba An-ching sakantian an-chingni Jokatgipani chakatpilani kim-kim katchae bebera-giparang ong-a; uni giminsa an-ching agana: Kristo chakatpilaha! aro Uni Tangani gimin, an-ching pilak neng-nikanirangko chagrangon mikkangchakna man-gen . Indake Uni bilakanichi aro ka-donganichi, Chakatpilgimin Kristo an-tangni sninggiparangko re-mikkangangchina watataha, uni giminsa Easter salni katchaani aro ka-dongani ba Gitel Jisu Kristoni chakatpilani katta a-gilsak gimikona sokangaha. Aro Jisu Kristoni Gisik Rongtalgipako watatna gita Uni sninggiparangna ku-rachakani chusokaha. Indake uamang Isolni ka-san teng-sudapanio bilakataniko man-aha.

Indake, Sninggiparang, jerangan mikkangchina watataniko man-aha, uamang a-gilsakni ki-tikbriona re-angaha. Uni gimin sakchigni sninggiparangko mandera-aniko dakani, jerangkon Gisik Rongtalgipachi bilakataha aro Kristoni chakatpil-ani kattako a-gilsakni a-kitikbriona saki on-na re-mikanganiko manina gita mondolirang dingtangmancha somoiko suale kalime manianiko dakaha, ukon "Apostes lend ine minga.

Maikai ia kalime manianiara a-bachengaha?

An-ching Watatarang 1:4 oniko nikna gita man-gen, maina Gitel Jisu jekon uamangna dakchakgipako watatku-jana kingking, uamangna dalgipa ge-etaniko chusokatna gita sengkuchina aganaha. An-ching mondolini olakibewalrangko see rakigipaoniko ui-na gita man-a, sninggiparang ua salrango an-tangtango bilakchina gita Isolo bi-e okume chake kalimani manianiko dakaha. Indake uamang je salona kingking Gisik Rongtalgipani gapataniko man-kujachim Pentecost-ni salona kingking maniaaha.

Indake, ua somoi chachaonin, Watatarangni Kalimani maniani kari ine mondolirang manibaenga, ua kalimani kari bilsi antion June jani 16 tariko a-bachenge sal 13-na kingking aro June jani 28 tarikona mania, uni ja-mano minggni manianiko mania, uan St, Pitor-ko gisik ra-e maniani aro St, Paulko June 29 tariko mania aro uni ja-man pilak sninggiparangko Juneni 30 tariko maniskaa.

Maikai an-ching ia kalimani manirangko manigen? Ia kalimani manianiko an-ching jedake mondoli manirongachim uandake ong-a, indiba ia watatarangni kalimani somoio mongsongbate an-chingko bi-anina bang-bate somoiko jakkalchina okamaniko dakaha aro oku chake biani aro kangal cha-asigiparangna ka-sae dakchakani aro kakket aro bebe ong-e Isolo sepangbate janggi tangani ong-a. Indiba ia kalimani kariko maniaara mondolini kalimani kariko manianiming dingtangrika, maina ian watatarangni Isolni a-bao kamko ka-anio maniangkuanin ong-a. Uni gimin, angni dedrangrang, angna na-simangna ku-patiniko on-a, ia rongtalgipa manini somoio Watatarangna Paulni segipa chitko matchote poraichina didianiko on-a. Jekai an-chingni gualna mangijagipa Gisikni pagipa sagi, Metropolitan Athanasius Yohan 1 aganronga, Watatarangni chitti ba ki-tapara

an-chingni mondolini mikjumangni "blueprint" ong-a. Indake an-chingni ui-na nanganide, sninggiparangni pilak duk skimanirangko aro pilak bal bojarangko chile nama kattarangko an-chingona sokataha. Uandake anga, pilak an-chingni janggi tanganio uamangni ja-chong ong-e uamangni ja-kolko jarike, Gitel Jisuo dakchakaniko bi-e nama kattarangko gipatrorochina didianiko on-a.

Watatarangni kalimani kariko maniani somoio minggittam dakna nanggiparang

Dangdike on-bo: Watatarangni kalimani kariko an-chingni manina man-aniara bilsio changsa uamangni janggi tanganiko gisik ra-e uamangni dakaniko daksningna cholko man-a. indiba uamangko gisik ra-ani mangmangde uamangko mande ra-ani ong-ja. Uni gimin uamangni pilak daka kamrangko gisik ra-e an-ching uamangni sokanggijagiparangona uamangni kamrangko ra-angna gita an-tangko tarigipa ong-na nanga. Indake dakkosa uamangko ja-rike daksninggipa ong-e an-chingo ka-dongchakani ong-a aro gisikni gita atchirikgiparang ong-e Kristoni chakatpil-aniko an-chingni samtangtangogiparangna skiprakna nanga. Uni gimin, ia kalimani karirango, hai an-ching uarangko dakna, mongsongbate an-chingni mondolirango aro diocesarango ka-sae aro ka-sachake dangdike on-aniko dakna gita nanga.

Isolo bi-ani: Jedake St, Paul an-chingna Eph 6:19-20 aganaha, an-ching an-chingni kamalrangna aro missionary-rangna Isol bi-na nanga, jedakode uamang an-tangtangko on-kange pilak dukni sukni salrang uamangona re-baoba ka-dongniko man-e neng-nikanirang salrango chadengna man-gen. Hai an-ching an-chingni dedrangrangna aro chadamberangna Isolo bi-na jedakode uamang an-tangtangko Isolna mondolio dangdike ong-na gita on-kanggipa ong-gen. Gisik ra-bo mondoliara kristoni be-en ong-a, Jisu Kristochi ia agilsako rikgimin ong-a.

On-ani, an-chingni bakchikungni baksa aro daltularangko on-anichi, Isolni songnokko bariatna gita tangka paisarangchi dakchakaniko on-na an-chingara okamaniko man-aha. Philippianrangna 4:18, St, Paul an-chingna aganaha aro ua on-anirangara Isolni ra-chaktogipa boli ong-a aro uarangan Isolko ku-si ong-ata. Uni gimin Watatarangni kalimani karirango oku chake aro ua cha-ani tangka paisarangni pal uko ra-a aro mondolio nama kamrangna jakkalskana nanga.

Angni ka-sara dedrangrang, jekai anga pangnan, na-simangna ia ning-tugipa bi-a olakiani salrango na-simang sakantina aganronga, hai an-chingni an-tangtangko on-kanganirangko nipile gital dakna aro Sninggiparangni janggi tanganio tangna aro Gitel Jisu kristoni nama kattao ka-donganiko an-chingni nokdango, songsalo aro a-gilsak gimiko done katchana, jekoan an-chingna on-aha. An-chingni okumu chake bi-anirang gri ong-ode aro pilak cha-a ringanirango be-enni gita kusirangko dontongja ong-de, Watatarangni kalimani kariko mania ong-gramani ong-a. Uni gimin an-chingni uarangko maniano Isol an-ching sakantina ui-ani gisikrangko on-e kamo aro kattao patichina. An-chingni Gitel Isol Uni skanirangko ui-aniko na-simangna on-china, Uni ge-etanirangko manina bilko on-china, aro Uni ka-sachakani pangnan ong-china.

Isolsano Isol gittamgipa, Pagipa Degipa Gisik Rongtalgipaoni, Uni ui-ani gisikko na-simangna on-e Uni sikanirangko aro ge-etanirang manina ui-na bilrangko man-china aro Uni ka-saanio chusoksranggipa ong-china. Pilak rongtalgiparangni Isolni mikkango an-chingna mol-molchakanirang, pangnan an-chingko pilak namgijarangkoniko chel-chakchina,† Amen.

Na-simangni pagipan ka-sani aro bi-anirang,

Tarik: 5 May 2026

†Moran Mor Samuel Theophilus Metopolitan

Biap: World church Headquarters